

Esra

Esranê buku tonec gêjac têku Mintau njabuku lu-agêc. Lau Juda, tañ sêngôn kapoacwalô anga Babel nañ, nêñ ñagêdô sêmu sêja nêñ malacmôkê ma sêkwê nêñ malac Jerusalem sa to sêwaka sakin omña sa kêtiam.

Êsêac têdênañ miñ tau kêsêp ñasêbu têtêac gebe

1. Mômêlatu 1-2 Lau Persia nêñ kiñsêga Kirus kêjatu lau Juda nêñ toñ ñamataña gebe sêmu sêna nêñ gamêñ.
2. Mômêlatu 3-6 Êsêac sêkwê lôm dabuñ sa kêtiam ma sêjac kawi lôm tau. Su, go sêwaka Anôtônê sakin omña sa kêtiam.
3. Mômêlatu 7-10 Jala ñagêdô gêjaña acgom, go Esra gêwê lau Juda nêñ toñ teñ sêo lasê Jerusalem amboac tonañ. Esra kêjala Anôtônê biñsu kêtú têtú eñ, tec kêmasañ lêtú teñ gebe lau Juda sêwi nêñ lauo jaba, tañ sêjam nañ, siñ gebe sejop lau Israel nêñ biñlênsêm, tañ gêjam gôliñ nêñ sakin dabuñ ñalêñ nañ.

Kiñ Kirus nê jatu

¹ Gêdêñ jala ñamataña, tañ Kirus kêtú kiñ Persiaña nañ, Apômtau kêkac kiñ Persiaña Kirus nê ñalêlôm gebe êngôm biñ, tañ Apômtau kêkêñ gêdêñ propete Jeremia geoc lasê nañ, ñanô êsa. Kirus kêkêñ biñ ña awasun ma keto papia gêwiñ kêtôm nê gamêñ gôliñña gêja gebe

² “Kiñ Persiaña Kirus kêsôm biñ amboac tonec gebe Apômtau, Anôtô undambêña, kêkêñ nom

ņagamêņ samob kêsô aê ņalabu. Ma eņ kêjatu aê gebe jakwê ênê andu teņ sa aņga Jerusalem, taņ gêc gamêņ Judaņa naņ. ³ Anôtô êwiņ nê lau, taņ sêmoa sêwiņ amac naņ, ma sêndi ma sêpi Jerusalem, taņ gêc gamêņ Judaņa naņ, sêna gebe sêkwê Apômtau, Israelnêņ Anôtô nê andu sa êtiam. Eņ Anôtô taņ gêņgôņ Jerusalem naņ. ⁴ Ma nê lau ņapopoc, taņ sêmoa malac gêdêņ-gêdêņgeņ amboac lau jaba naņ, têtap moasiņ sa aņga lau malac tauņa. Lau sêkêņ silber to gold ma waba to bôc êndêņ êsêac ma sêkêņ da êtôm nêņ ņalêlôm êkac êsêacņa êtu Anôtônê andu aņga Jerusalemņa.”

Lau kapoacwalôņa sêmu sêja Jerusalem

⁵ Go gôlôacmôkê Juda to Benjamin nêņ laumata dêdi sêwiņ dabuņwaga to lau Lewi. Êsêac lau taņ Anôtô kêkac êsêac gebe sêpi sêna ma sêkwê Apômtaunê andu sa aņga Jerusalem naņ. ⁶ Ma lau malacm samob sêjam êsêac sa ma sêkêņ silber to gold ma waba to bôc ma awamata êjamgeņ gêwiņ gêņ, taņ êsêac sêkêņ kêtū ņalêlôm kêkac êsêacņa naņ. ⁷ Kiņ Kirus kêkôc Apômtaunê andu ņaclu, taņ Nebukadnesar kêjaņgo su aņga Jerusalem ma kêkêņ kêsô ênê anôtônê andu gêja naņ, kêsa gêmêņ amboac tonanģeņ. ⁸ Kiņ Persiaņa Kirus kêkêņ laclu tau gêdêņ kanomwaga Mitradat ma eņ kêsa sa gêdêņ gôliņwaga Judaņa Sesbasar. ⁹ Ma waba tau ņanamba amboac tonec gebe suc gold 1,000 ma suc silber 1,000 ma laclu da jadauņņa 29. ¹⁰ Laclu gold 30 ma silber 2,410 ma laclu ņagêdô 1,000. ¹¹ Laclu gold to silber samob kêpi tageņ kêtôm 5,469. Gêdêņ taņ sêwê lau kapoacwalôņa aņga Babilon sêpi sêja

Jerusalem sêja nan, Sesbasar kékôc gêṅ samob tonanṅ ṅai gêwiṅ.

2:1-70 Lau taṅ sêwi kapoacwalô anṅa Babel sinṅ ma sêmu sêja Juda nan, nêṅ gôlôacmôkênêṅ ṅaê to nêṅ namba kêsêp môkêlatu tonec.

3

Sêmasanṅ sakinṅ ṅagôlinṅ

¹ Lau Israel sêṅgônṅ nêṅ malac gêdêṅ-gêdêṅgeṅ su acgom, go gêdêṅ ajônṅ kêtû 7 mênṅgêô lasê êsêac samob sêkac taunṅ sa anṅa Jerusalem. ² Go Josadak latu Jesua to nê dabunṅwaga ma Sealtiel latu Serubabel to nê lasitêwai dêdi ma sêboa Israelnêṅ Anôtô nê altar sa gebe sêkêṅ daja ênsac ṅaô kêtôm teto gêc Anôtônê ṅac Mose nê binṅsu. ³ Êsêac sêboa altar tau kêkô ṅamala lanṅwa gebe têtêc taunṅ kêtû lau gamêṅ tonanṅa. Ma sêkêṅ daja gêsac altar gêdêṅ Apômtau tau kêtôm bêbêc to kêtulagenṅ. ⁴ Êsêac sêlic Om Bec kêtôm teto gêc, go sêkêṅ daja kêtôm bêcgeṅ kêtôm jatu ṅadênanṅ. ⁵ Tonanṅ su, go êsêac sêkêṅ daja kêtôm bêcgeṅṅa sêmoa to sêkêṅ daja ajônṅ mênṅgêô lasêṅa ma gêdêṅ Apômtaunê om samob kêtôm ṅajatu gêc nanṅ, ma da taṅ ṅac teṅ êkêṅ êndêṅ Apômtau êtôm nê ṅalêlôm êkac eṅ nanṅ. ⁶ Gêdêṅ ajônṅ kêtû 7 ṅabêc ṅamataṅa êsêac sêjac m gebe sêkêṅ daja gêdêṅ Apômtau. Mago sêkêṅ nombanṅ kêtû Apômtaunê lôm dabunṅṅa su atom tagenṅ. ⁷ Amboac tonanṅ êsêac sêkêṅ mone gêdêṅ sêpapocwaga to kamunda ma gêṅ sêniṅ to sênômṅa ma katêkwi gêdêṅ lau Sidon to Turu gebe sembonṅ kaseda anṅa lôc Lebanon sêsêp gwêc sêna Jope êtôm taṅ kinṅ Persiaṅa Kirus gêlôc sa nanṅ.

Sêjac m kôm sêkwê lômdabuŋŋa

⁸ Gêdêŋ jala kêtû luagêcŋa, taŋ êsêac sêô lasê Anôtônê andu ŋamala aŋga Jerusalem su naŋ, ŋaajôŋ kêtû luagêcŋa Sealtiel latu Serubabel agêc Josadak latu Jesua sêjac m kôm tau sêwiŋ nêŋ lasitêwai ŋagêdô ma dabuŋwaga to lau Lewi ma êsêac samob, taŋ aŋga kapoacwalô sêmu sêmêŋ Jerusalem naŋ. Êsêac sêkêŋ lau Lewi, taŋ nêŋ jala kêtû 20 ma kêlêlêc naŋ, gebe sejop kômwaga, taŋ sêkwê Apômtaunê andu naŋ. ⁹ Ma Jesua gêwiŋ latui to nê tawaŋi ma Juda latu Kadmiel to nê latui sejop Anôtônê andu ŋakômwaga sêwiŋ Henadad latui to lau Lewi nêŋ latuŋi to nêŋ tawaŋi.

¹⁰ Ma gêdêŋ taŋ sêkwêwaga sêu nomban Apômtaunê lôm dabuŋŋa naŋ, dabuŋwaga sêsô nêŋ ŋakwê dabuŋ ma sêwê todauc ma Asap latui, lau Lewi, toonŋeŋ gebe sêlambiŋ Apômtau kêtôm ŋagôliŋ, taŋ kiŋ Israelŋa Dawid kêkêŋ naŋ. ¹¹ Ma êsêac sêjam wê sêjô taun awen, sêlambiŋ to sêjam danŋe gêdêŋ Apômtau

“Gebe eŋ ŋac gabêjam

ênê têtac gêwiŋ Israelŋa ênêc endeŋ tôŋgeŋ.”

Gêdêŋ taŋ êsêac sêlambiŋ Apômtau naŋ, lau samob sêjam lasê sêpuc awen sagne gebe sêu Apômtaunê andu ŋanombaŋ sugac. ¹² Mago dabuŋwaga to lau Lewi ma laumata gôlôacmôkêŋa nêŋ lau ŋanô taêsam, taŋ sêlic lôm dabuŋ ŋamataŋa su naŋ, sêlic andu wakuc tonec ŋanombaŋ ma têtan taŋjboa kapôêŋanô. Mago nêŋ ŋagêdô taêsam sêjam lasê kapôêŋ kêtû têtû samucŋa. ¹³ Amboac tonan lau têtôm atom gebe sêwa sêjam lasê ŋabêlêc to launêŋ

tañiboa êkôc gebe lau sêjam lasê ña awen kapôên ma sênô ñaôndu gêja ñêngeñ.

4:1–5:17 Lau Juda sêkôc kôm sêkwê lôm dabuñña sa, mago nêñ ñacjo sebe senseñ êsêac. Tagen propete Hagai agêc Sakaria sêpuc êsêac tôñ. Gêdêñ tañ ñacjo sêlênsônê êsêac ñapañ nañ, lau Persia nêñ gôliñwaga, tañ sejop gamêñ Judaña nañ, teto papia gêdêñ nêñ kiñ Darius, tañ gêjô Kirus su nañ ma teteñ eñ gebe êmbêlêm kiñ Kirus nê miñkatoñ, oc êtap Kirusnê jatu sa gebe lau Juda sêkwê nêñ lôm dabuñ sa êtiam me masi.

6

Sêkwê lôm dabuñ sa. Lôm dabuñ ñakôm

¹ Go kiñ Darius kêjatu biñ gebe sensom andu papiña ôkwi gebe sêjac miñkatoñ samob sa gêc andu tonañ. ² Ma aña Media ñamalacsêga Ekbatana êsêac têtap papia luñ teñ sa. Biñ tañ teto kêsêp papia tau nañ gebe “Miñkatoñ. ³ Gêdêñ kiñ Kirus nê gôliñ ñajala ñamataña kiñ Kirus tau kêjatu biñ tonec gebe Biñ tonec kêkanônê Anôtônê andu aña Jerusalem. Êsêac sêkwê andu tau sa êtu gamêñ sêkêñ da to dajaña êtiam. Lôm ñasagiñ êmu êpi amboac saka 15 to ñagêbôcña amboac saka 15 amboac tonanğen. ⁴ Êsêac sêkêñ poc dênañ têlêac ênsac tau ñaô ma sênsac ka palañ êtu sagiñ ñakanô. Kôm ñaôli samob êsa aña kiñnê kanom. ⁵ Ma akêñ Anôtônê andu ñaclu gold to silber, tañ Nebukadnesar kêjanğo su aña lôm dabuñ Jerusalemña ma kejoñ gêmêñ Babilon nañ, êmu êna lôm dabuñ, tañ êkô Jerusalem nañ êtiam. Akêñ samob êkô ñamala aña Anôtônê andu.”

Kiņ Darius kêjatu gebe sêkôc kôm sa êtiam

⁶ Go kiņ Darius kêsakiņ biņ tau ŋagêjô amboac tonec gebe “Êndêņ gôliņwaga gamêņ, taņ gêc bu ŋamakeņ ônêņa naņ, Tatenai agêc Sedarbosenai to nê lau ŋagêdô, taņ aņgôn gamêņ ŋamakeņ ônêņa naņ. Amoa jaêc gamêņ tonañ. ⁷ Aliņ Anôtônê andu ŋakôm su êndêņ lau Juda nêņ gôliņwaga to kasêga taunģeņ. Êsêac sêkwê Anôtônê andu sa êtiam êkô ŋamala langwa. ⁸ Aê kajatu biņ ŋagêdô, taņ kêkanôn amacnêm lêņ anam lau Juda nêņ kasêga saņa gebe sêkwê Anôtônê andu sa êtiam. Akêņ ŋaôli samucģeņ êndêņ lau tonañ ma anam ŋagêdô tôņ atom. Akôc mone, taņ lau aņga bu ŋamakeņ ônêņa sêkêņ êtu takis naņ, sa aņga kiņnê kanom ma anam ôli lau tonañ solop ma êtôm ŋanocģeņ. ⁹ Ma gêņ samob, taņ êsêac sêpô lêna gebe sêkêņ êtu dajaņa sêkêņ êndêņ Anôtô undambêņa amboac bulimakao ŋalatu kapoac ma domba kapoac to ŋalatu akêņ êndêņ êsêac. Ma akêņ polom ŋanô to gwêc ma wain to niptêkwi êtôm taņ dabuņwaga Jerusalemņa sêsôm naņ, akêņ êndêņ êsêac topalêģeņ êtôm bêcģeņ. ¹⁰ Gebe êsêac sêkêņ da ŋajamanô êndêņ Anôtô undambêņa ma teteņ mec êtu kiņ to latuiņa gebe sêmoa mateņ jali. ¹¹ Aêņoc jatu teņ gêc gebe Ŋac teņ embe ênam biņ tonec ôkwi, go sêkip ka gêbôc teņ sa aņga ênê andu ma sênac eņ êpi ka tau ma nê andu êtu lênduc teņ êtu ênê kesonja. ¹² Ma Anôtô, taņ kêkêņ nê ŋaê gêc andu tonañ naņ, êku kiņ to lau samob, taņ sêmêtôc lemeņ gebe sêņgêli jatu tonec ma senseņ Anôtônê andu, taņ kêkô Jerusalem naņ, tulu sênaņa tomalageņ. Aê Darius kajatu biņ tonec. Sêņgôm ŋanô êsa toôliņ

palêgeŋ.”

Sêjac kawi lôm dabuŋ tau

¹³ Go gôliŋwaga bu ŋamakeŋ ônêŋa Tatenai agêc Sedarbosenai ma êsêagêcnêŋ laumata, taŋ sêwiŋ êsêac naŋ, sêgôm gêŋ samob, taŋ kiŋ Darius kêjatu sa naŋ, ŋanô kêsa toôliŋ palêgeŋ. ¹⁴ Ma lau Judanêŋ laumata sêkwê andu tau têtû wakac kêtu propete Hagai agêc Ido latu Sakaria nêŋ biŋ seoc lasêŋa. Êsêac sêjac dabiŋ andu tau kêtôm Israelnêŋ Anôtô nê jatu to kiŋ Persiaŋa Kirus agêc Darius ma Artakerkes sêjatu. ¹⁵ Ma êsêac sêjac dabiŋ andu tau gêdêŋ ajôŋ Adar ŋabêc kêtu têlêacŋa. Gêdêŋ tonan kiŋ Darius nê gôliŋ ŋajala kêtu 6.

¹⁶ Ma lau Israel to dabuŋwaga ma lau Lewi to êsêac ŋagêdô, taŋ sêmu sêmêŋ anŋa kapoacwalô naŋ, sêlic nêŋ om sêjac kawi Anôtônê lôm dabuŋŋa totêntac ŋajamgeŋ. ¹⁷ Gêdêŋ taŋ êsêac sêjac kawi Anôtônê andu tonan naŋ, êsêac sêkêŋ bulimakao kapoac 100 to domba kapoac 200 ma domba ŋalatu 400 kêtu daja, kêtu da enseŋ lau Israel samob nêŋ sec suŋa. Ma êsêac sêkêŋ noniŋ kapoac 12 kêtôm Israel nêŋ gôlôacmôkê ŋanamba. ¹⁸ Ma êsêac têdênaŋ dabuŋwaga to lau Lewi nêŋ toŋ kêtu sênam sakiŋ Anôtô anŋa Jerusalemŋa kêtôm teto gêc Mosenê buku naŋ.

Seŋ Pasa

¹⁹ Gêdêŋ ajôŋ ŋamata ŋabêc 14 êsêac, taŋ sêmu sêmêŋ anŋa kapoacwalô naŋ, sêlic om Pasa. ²⁰ Gebe dabuŋwaga to lau Lewi sêjam dabuŋ tauŋ kêtu têtû selecŋa. Êsêac samob têtû selec su, amboac tonan sêjac domba Pasaŋa kêtu lau kapoacwalô samob,

tañ sêmu sêmêñ nañ, kêtû nêñ dabuñwaga ñagêdô ma êsêac taunña gêwiñ. ²¹ Ma lau Israel samob, tañ sêmu aña kapoacwalô sêmêñ nañ, to êsêac samob, tañ sêbiñ taun tônia sêwiñ êsêac ma sêkac taun su aña lau gamêñ tonanña nêñ ñatêmui gebe sênam sakin Apômtau, Israelnêñ Anôtô nañ, samob sen Pasa tau. ²² Ma êsêac sêlic om polom ñalucña tonan kêtôm bêc 7 totêntac ñajamgeñ gebe Apômtau gêgôm êsêac têntac ñajam kêsa to gêjam kin Asuriaña nê ñalêlôm ôkwi gêdêñ êsêac. Amboac tonan kin tau gêjam êsêac sa kêtû kôm Anôtô, Israelnêñ Anôtô nê lôm dabuñña. * March ñasawa.

7

Esra to lau sêmêñ Jerusalem

¹ Gêñ tonan su acgom, go Esra kêpi aña Babilon gêmêñ gêdêñ tañ kin Persiaña Artakerkes gêjam gôliñ gamêñ nañ. Esra eñ Asaria latu, nañ Kilkia latu, ² nañ Salum latu, nañ Sadok latu, nañ Ahitub latu, ³ nañ Amaria latu, nañ Asaria latu, nañ Meraiot latu, ⁴ nañ Serajah latu, nañ Usi latu, nañ Buki latu, ⁵ nañ Abisua latu, nañ Pinahas latu, nañ Eleasar latu, nañ dabuñwaga Aron latu. ⁶ Esra tau tonan aña malac Babilon kêpi Jerusalem gêja. Eñ kêtû biñsutau teñ, tañ kêjala Mosenê biñsu, tañ Apômtau, Israelnêñ Anôtô kêkêñ nañ, tomalagen, Ma kin kêkêñ gêñ samob, tañ eñ keteñ nañ, gebe Apômtau, ênê Anôtônê lêma gejob eñ.

* **6:22:** Adar katu lau Juda nêñ ajôñ ñamuña nañ February to

⁷ Gêdêḡ taḡ kiḡ Artakerkes nê jala gôliḡḡa kêtḡ 7 naḡ, lau Israel nêḡ ḡagêdô sêpi Jerusalem sêja amboac tonanḡeḡ ma dabuḡwaga to lau Lewi ma lau wêḡa to gejobwaga sacgêdôḡa ma sakiḡwaga lôm dabuḡḡa sêwiḡ. ⁸ Ma Esra gêô lasê Jerusalem gêdêḡ kiḡnê jala gôliḡḡa kêtḡ 7 ḡaajôḡ kêtḡ lemeḡteḡḡa. ⁹ Gêdêḡ ajôḡ ḡamata ḡabêc ḡamataḡa eḡ gêdi aḡḡa Babilon ma gêdêḡ ajôḡ kêtḡ lemeḡteḡ ḡabêc ḡamataḡa eḡ gêô lasê Jerusalem gebe ênê Anôtônê lêma ḡajam kêkêḡ ajuḡ eḡ. ¹⁰ Esra nê ḡalêlôm kêkac eḡ gebe êndôḡ tau e êjala Apômtaunê biḡsu to êḡḡôm ḡanô êsa ma êndôḡ ḡagôliḡ to jatu aḡḡa Israel.

Papia taḡ kiḡ Artakerkes kêkêḡ gêdêḡ Esra naḡ

¹¹ Biḡ tonec kêsêp papia, taḡ kiḡ Artakerkes kêkêḡ gêdêḡ dabuḡwaga to biḡsatau Esra, taḡ kêjala Apômtaunê biḡsu to ḡagôliḡ, taḡ Anôtô kêkêḡ gêdêḡ Israel naḡ kêtḡ toḡ. ¹² “Kiḡ samob nêḡ kiḡ Artakerkes nê papia êndêḡ dabuḡwaga Esra, Anôtô undambêḡa nê biḡsu ḡabiḡsutêna. ¹³ Aê kajatu biḡ tonec gebe lau Israel nêḡ teḡ me nêḡ dabuḡwaga to ḡac Lewi teḡ, taḡ gêmoa ḡoc gamêḡ kiḡḡa ma nê ḡalêlôm êkac eḡ gebe êna Jerusalem naḡ, êtôm gebe êwiḡ aôm êna. ¹⁴ Aê kiḡ to ḡoc lau seḡeḡ 7 asakiḡ aôm gebe ônac gamêḡ Juda to Jerusalemḡa kêsî ma ônam dôḡ ḡabiḡ êpi aôm nêḡ Anôtônê biḡsu, taḡ kêsêp aôm lêmam naḡ. ¹⁵ Ôkôc silber to gold, taḡ aê kiḡ ma ḡoc lau seḡeḡḡa akêḡ toma ḡalêlôm samucḡeḡ gêdêḡ Israelnêḡ Anôtô, taḡ gêḡḡôḡ Jerusalem naḡ, ôna amboac tonanḡeḡ. ¹⁶ Ôkôc silber to gold samob, taḡ aôm oc ôtap sa aḡḡa gamêḡ Babilonḡa samucḡeḡ naḡ ma da, taḡ lau Israel to nêḡ dabuḡwaga sêkêḡ tonêḡ ḡalêlôm

samucgen êtu nêñ Anôtônê andu ança Jerusalem nan. ¹⁷ Mone tonan aôm ôkôc ma ônam ôli bulimakao kapoac to domba kapoac ma domba nalatu êwiñ da kelen to wain, tan sêkêc êtu da nan. Ôkên gêñ tau êtu da ênsac aômnêm Anôtônê andu ñaaltar, tan kêkô Jerusalem nan. ¹⁸ Ma aôm to nêm lasitêwai ançôm silber to gold, tan gacgen gêc nan, êtôm amac alic ñajam ma êtôm amacnêm Anôtônê biñ nan. ¹⁹ Laclu tan sêkên gêdên aôm kêtû Anôtônê andu ñasakiñ nan, aôm oc ôkên tomalagen ênêc Anôtô lanônêmña ança Jerusalem. ²⁰ Gêñ ñagêdô samob, tan embe ôpô lêna êtu Anôtônê anduñan nan, ma gêñ tan gêjac aôm ñawae gebe ônam ôliña nan, ôkôc ñamone sa ança kiñnê kanom.

²¹ “Ma aê, kiñ Artakerkes, ñoc jatu gêdên kanomwaga samob, tan sêmoa bu ñamaken ônêña nan, gebe akên gêñ samob, tan dabuñwaga Esra, Anôtô undambêña nê biñsu ñabiñsutêna eten êndên amac nan topalêgen. ²² Akên silber e naêtôm talu 10 to polom ñanô ñadôn 100 ma wain ñagasuc 100 to niptêkwi ñagasuc 100 ma gwêc akêngeñ. ²³ Gêñ samob, tan Anôtô undambêña kêjatu sa nan, ançôm ñanô êsa toôlim palêgen êtu Anôtô undambêña nê anduñan gebe ênê têtac ñandan êsa êtu kiñnê gamên to nê latuñan atom. ²⁴ Ma aêc akên ñawae êndên amac amboac tonanğen gebe ajac jao gebe amac akôc takis tokaiñ-tokaiñ ança êsêc dabuñwaga to lau Lewi ma lau wêña to gejobwaga katamña ma sakiñwaga lôm dabuñan to sakiñwaga Anôtônê anduñan samob nêñ ten atom.

²⁵ “Ma aôm Esra ôjaliñ gôliñwaga to mêtôcwaga sa êtôm nêm Anôtônê kauc, tan gôwê kaiñ nan gebe

sêmêtôc lau samob, taŋ sêŋgôŋ bu ŋamaken ōnêŋa naŋ. Êsêac sêmêtôc lau samob, taŋ sêjala Anôtônê biŋsu su naŋ to êsêac, taŋ sêjala biŋsu su atom tagen naŋ, ôndôŋ êsêac acgom. ²⁶ Ma êsêac taŋ taŋen wamu nêm Anôtônê biŋsu to kiŋnê jatu atom naŋ, sêmêtôc êsêac solopgen, êsêac sêmac êndu me sêmasuc êsêac me sênam ôli nêŋ keso ŋa nêŋ waba me sêŋgôŋ kapoacwalô.”

Esra kêlanem Anôtô

²⁷ Esra kêsôm gebe “Awen gêôc Apômtau, aêac tameninêŋ Anôtô, taŋ kêkêŋ kauc amboac tonan kêsêp kiŋnê ŋalêlôm gebe êŋgôm Apômtaunê andu, taŋ kêkô Jerusalem naŋ, ŋawae êsa. ²⁸ Ma kêmoasiŋ aê e kiŋ to nê lau senen ma nê lau ŋactêkwa sêlic aê ŋajam. Aê têtac kêpa su gebe Apômtau, ŋoc Anôtô nê lêma gêwiŋ aê ma gajac laumata Israelŋa sa gebe sêpi sêwiŋ aê sêna.”

8:1–10:44 Esra gêwê lau Juda sêmu sêja Jerusalem ma kêmasaŋ biŋsu gebe Judawaga sênam lauo jaba êtiam atom ŋamiŋ kêsêp ŋasêbu tonec.

BIBOLO DABUN
The Holy Bible in the Yabem language of Papua New Guinea
Buk Baibel long tokples Yabem long Niugini

Copyright © 1980 Bible Society of Papua New Guinea

Language: Jabem (Yabem)

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2015-01-03

PDF generated using Haiola and XeLaTeX on 21 Feb 2024 from source files dated 31 Aug 2023

447e01c5-a375-5452-ae54-b3f890293eeb